

四庫全書

史部

欽定四庫全書

史部

元豐九域志卷二

詳校官編修臣曹振鏞
檢討臣德生覆勘

總校官編修臣王燕緒

校對官中書臣宋枋遠

謄錄監生臣吳端

欽定四庫全書

元豐九域志卷二

宋 王存等 撰

河北路

東路

西路

河北路

太平興國二年分河北南路

雍熙四年分東西路端拱二年併一路熙寧六年復分

東路

北京見上州一十
二軍四縣四十

開德府

澶州澶
潤郡

鎮寧軍節度

治濮
陽縣

地里東京二百五十里東至本州界三十里自界首至濮州六十里西至本州界七十里自界首至衛州一百七十里南至本州界七十里自界首至滑州二十五里北至本州界八十里自界首至北京六十里東南至本州界四十五里自界首至曹州一百三十五里西南至本州界七十四里自界首至滑州二十五里東北至本

州界八十八里自界首至博州五十二里西北至本州界九十五里自界首至博州二百二十五里

戶主三萬六千六百三十七客一萬九千三百五十二

土貢席二十領胡粉一十斤

縣五雍熙四年以滑州衛南黎陽二縣隸州端拱元年以黎陽縣隸通利軍省臨黃縣入觀城慶歷四年徙清豐縣治德清軍即縣治置軍使隸州皇祐元年省觀城縣入濮陽頓丘四年復置觀城縣熙寧六年省頓丘縣

入清豐

中濮陽六鄉有衛陽山鮒鯛山黃河淇水瓠子口

望觀城州東九十里六鄉有黃河泉源河

緊臨河州西六十里二鄉土樓一鎮有黃河水濟渠瀆

源

中清豐州北六十里二鄉清豐舊州二鎮有廣陽山黃

河

中衛南州西南五十里二鄉有九里溝

古跡 帝丘本顓頊之墟夏后之世昆吾氏 顓頊城
顓頊之所都 昆吾臺 新臺子夏詩序云衛宣公作
新臺于河上即此也 衛靈公臺舊記云亦名重華之
臺 楚丘城春秋時衛文公自漕邑遷於楚丘以避狄
山海經云文帝葬於狄山陰今陵見存 廣陽山寰宇
記附隅山今名廣陽山也山海經云漢水出鮒鯢之山
景山詩云望楚與堂景山與京 施丘爾雅云前高
後下曰施丘詩云施丘之葛兮謂此 珞丘禮記檀弓

云公叔文子遊瑕丘蘧伯玉從文子曰樂哉斯丘也
壇首春秋襄二十年澶淵是也 穰子河決漢武帝塞
之白馬玉璧將軍以下皆負薪是也 穰子河決漢武帝塞
路也為孔悝邑宰故稱大夫 顓頊陵史記皇覽曰在
頓丘城門外廣陽里中 帝譽陵皇覽曰在頓丘城南
孔悝墓 沔黯墓

上滄州景城郡橫海軍節度

治清
池縣

地里東京一千三百里東至海一百八十里西至本州

界六十八里自界首至瀛州一百一十二里南至本州
界一百五十五里自界首至德州四十五里北至幽州
五百七十五里東南至本州界二百四十里自界首至
濱州六十里西南至本州界一百五十八里自界首至
德州五十二里東北至海二百五十里西北至本州界
九十六里自界首至瀛州一百二十里

戶主五萬二千三百七十六客四千五百三十五

土貢絹一十疋柳箱一十枚

縣五治平元年從無棣縣治保順軍即縣治置軍使隸州熙寧二年徙樂陵縣治咸平鎮五年省饒安縣為鎮入青池六年省臨津縣為鎮入南皮

望清池一十一鄉任河長蘆郭疃饒安四鎮乾符巷姑三女泥沽小南河五寨有浮陽水徒駭河

望無棣州東南一百七十里五鄉無棣劇口車店三鎮有老烏山鬲津河無棣河

緊鹽山州東六十里四鄉會寧通商韋家北三鎮有鹽

山浮水

緊樂陵州南一百三十五里七鄉歸化屯莊馬遠郭橋
楊攀口東西保安七鎮有鬲津河馬河鈎盤河

中南皮州西南六十里六鄉南皮馬明樂延臨津四鎮
有小天台山濟河

古跡 三河易水白馬泥池三水合故名三河 百木
門城春秋子鮮出奔於木門 凉馬臺輿地志云漢武
帝所築 騬山本無棣邑左氏傳北至於無棣是也

漢武臺輿地志云漢武帝至此築無棣河一名赤河
圖經云漢破黃巾賊流血潢河故名赤河 高津河
徒駭河 鈞盤河 駕馬河輿地志云即馬頰河 太
史河 胡蘇河已上皆九河之數 子童城齊記云秦
使方士徐福將童男女千人求蓬萊築此城 胡蘇亭
漢志云東光有胡蘇亭 醉友臺圖經云魏文帝為五
官中郎將與吳質重遊南皮築此臺故名焉 袁侯臺
圖經云曹公遂袁譚於南皮於此城中築臺眺望 秦

茅焦墓十道志茅焦齊人說秦始皇迎母者 尹吉甫
墓 商不疑墓

上冀州信都郡安武軍節度

慶歷八年升安武軍節度治信都縣

地里東京七百五十里東至本州界八十里自界首至
德州一百一十里西至本州界九十里自界首至趙州
九十里南至本州界五十里自界首至恩州七十里北
至本州界七十里自界首至瀛州一百七十里東南至
本州界五十里自界首至博州二百七十里西南至本

州界九十里自界首至邢州二百二十里東北至本州
界一百七十里自界首至永靜軍三十里西北至本州
界七十五里自界首至深州一十五里

戶主四萬二千客九千一百三十六

土貢絹二十疋

縣六淳化元年以阜城縣隸永靜軍皇祐四年省堂陽
縣為鎮入南宮升新河鎮為縣嘉祐八年省武邑縣為
鎮入脩熙寧元年省棗彊縣為鎮入信都六年省新河

縣為鎮入南宮十年復置棗彊武邑縣

望信都五鄉劉固宗齊來遠三鎮有胡蘆河降水

上脩州東北一百五十里二鄉王貫李億二鎮有漳河

脩市

上南宮州西南六十二里三鄉長廬新河堂陽三鎮有
降水枯瀆

上棗彊州東南五十五里二鄉湯家一鎮有漳河

上武邑州東北九十里二鄉觀津一鎮有漳河長蘆河

中衡水州北三十八里二鄉有長蘆河降水

古跡 扶柳城圖經云縣有扶澤多柳因號扶柳城劉

梅嘗據此城以迎州祖 堯壇 觀津城按史記漢文

竇皇后清河觀津人也古賢未城中三州未有條京城

古歷城水經注清漳水經歷城南即此城也 昌亭

城水經云漳水東北至昌亭合滂沱衡漳水今長蘆河

則其故瀆也 堂陽本漢縣城冢記云商皇太子封母

弟才為堂陽侯在堂之陽故名之 九門城按城冢記

云鮀所造也 堯臺見城冢記郡國志云有二所並號

堯臺

善源城城冢記云夏上劉源造

漢董仲舒墳

漢常山王張耳墓

漢亞相絳侯周亞夫墓

漢南

宮侯張歐冢

河間府

瀛州
間郡

河防禦治河

間縣

地里東京一千一百里東至本州界一百二十里自界首至滄州六十里西至本州界四十八里自界首至永寧軍四十二里南至本州界一百一十里自界首至永

靜軍六十里北至本州界三十五里自界首至莫州七十
五里東南至本州界一百二十里自界首至滄州九
十里西南至本州界四十五里自界首至深州一百三
十五里東北至本州界九十里自界首至霸州七十里
西北至本州界四十里自界首至順安軍八十里

戶主三萬二千六百一客一千七百二十六

土貢絹三十疋

縣二太平興國七年改關南為高陽關至道三年以高

陽縣隸順安軍以宗州樂壽縣隸州熙寧六年省東城縣為鎮入河間景城縣為鎮入樂壽

望河間五鄉未城永牢北林三鎮肅寧一寨有滹沱河

高陽關

望樂壽州南六十里六鄉景城劉解沙鴻南大劉北望

五鎮有徒駭河房淵

古跡 四武偃城竹書紀年月司馬敗燕公子翼於武

垣 東垣城方鎮記云晉公鑿渠引滹沱水遂祿西武

恒縣於北置 河間獻王殿址在樂壽縣 中水城圖
經云夏少康所造應劭曰以在寇易二水之間也 徒
駭河九河之一也 成乎故城漢縣唐初竇建德據之
謂之建德城 靈星祠漢郊祀志曰高祖詔御史令天
下立靈星祠毛萇家方輿記曰今劭有毛萇毛尚有
鮑叔牙墓

上博州博平郡防禦城

治新縣

地里東京五百五十里東至本州界九十里自界首至

齊州一百四十里西至本州界六十里自界首至北京
一百二十里南至本州界四十里自界首至濮州二百
四十里北至本州界九十里自界首至德州一百七十
里東南至本州界四十里自界首至鄆州一百四十里
西南至本州界七十里自界首至北京一百一十里東
北至本州界一百六十里自界首至德州一百里西北
至本州界一百二十里自界首至恩州六十里
戶主四萬九千八百五十四客三萬三千三十八

土貢平綢一十疋

縣四

望聊城四鄉興利廣平王館沙冢四鎮有茌山黃河金沙水

望高唐州東北一百一十里三鄉夾堆新劉固河南劉四鎮有黃河鳴犧溝

望堂邑州四十里四鄉回河一鎮有黃河

察博平州東北五十里三鄉舊博平一鎮有漂水

古跡 古平原邵城 古聊城本齊聊攝之地魯仲連

為書射城中遺燕將即此處 古金堤漢書河決酸棗

東潰金堤是也 濟河禹貢浮于濟漂達于河 古攝

城春秋時齊之西境 晉文公臺 微子城十道志云

在聊城縣 賈琮墓 華歆墓

上棣州樂安郡防禦

建隆二年升團練乾德三年升防禦治厭次縣

地里東京一千一百里東至本州界六十里自界首至濱州四十里西至本州界一百里自界首至德州八十

四里南至本州界八十五里自界首至淄州一百五十
五里北至本州界三十里自界首至滄州一百六十里
東南至本州界一百里自界首至滄州一百里西南至
本州界一百九十二里自界首至齊州一百八里東北
至本州界五十五里自界首至濱州六十里西北至本
州界五十里自界首至滄州一百五十里

戶主三萬五百八十客八千三百六十三

土貢絹絶各一十疋

縣三大中祥符八年徙升城及獻次縣於陽信縣地復徙陽信縣於舊獻次縣

上獻次五鄉歸仁七里渡指角達多永利五鎮有黃河中商河州西南八十里三鄉寬河太平二鎮有黃河馬頰河

下陽信州東北四十里五鄉欽風西務新務三鎮有黃河鈎盤河

古跡 無棣左傳曰賜我先君太公履北至於無棣是

也 獻次續漢志云相傳秦始皇東遊獻氣碣石次舍
因為名 邵城晉邵續屯兵於此 淒河漢都尉許缺
鑿此進海故以帝為名後人加水

上莫州文安郡防禦

治任丘縣

地里東京一千二百里東至本州界三十里自界首至
霸州五十五里西至本州界五十里自界首至順安軍
二十里南至本州界五十三里自界首至灤州三十五
里北至本州界一十九里自界首至雄州一十里東南

至本州界五十九里自界首至灤州四十一里西南至
本州界五十五里自界首至順安軍八里東北至本州
界一十九里自界首至雄州一十五里西北至本州界
五十四里自界首至安肅軍五十五里

戶主一萬三千客四百三十六

土貢綿一百兩

縣一太平興國六年以清苑縣隸保州熙寧六年省長

豐縣為鎮并省莫縣入任丘

上任丘八鄉長豐一鎮馬村王家二寨有滹沱河瀉水
古跡 虞丘臺圖經云虞丘壽王居此 子貢陂三郡
志云王道字子貢為東平郡守年九十一退居此陂
謁城一名任丘城邢子勵三郡記云漢平帝使中郎將
任丘築及桓帝北巡羣臣於此朝謁故名謁城 趙仙
翁祠仙翁名夔字靈和大旱為民祈雨積薪自焚世謂
大假而仙矣郡縣多立祠焉 張超墓漢書超字平敏
靈帝時為大中大夫平原將軍

中雄州防禦

治歸信容
城二縣

地里東京一千二百里東至本州界四十五里自界首至保定軍二十五里西至本州界六十五里自界首至安肅軍二十五里南至本州界一十五里自界首至莫州一十五里北至涿州一百二十里東南至本州界六十里自界首至莫州三十里西南至本州界八十里自界首至順安軍一十里東北至本州界九十里自界首至霸州一十里西北至分州一百五十里

戶主八千七百七客二百六十二

土貢綢一十疋

縣二建隆四年以唐省全忠縣地置容城縣太平興國元年改歸義縣為歸信

中歸信四鄉張家木塲三橋雙柳大渴七姑坦紅城新坦八寨有易水巨馬河瓦橋關

中容城三鄉有南易水大泥淀

古跡 易京城後漢書云獻帝初公孫瓚據幽州築此

城以自固 張遼廟

中霸州防禦

治文
安縣

地里東京一千三百里東至本州界二十里自界首至信安軍三十里西至本州界二十五里自界首至雄州五十五里南至本州界九十里自界首至瀘州一百里北至幽州二百里東南至本州界一百四十里自界首至乾寧軍二十里西南至本州界二十五里自界首至保定軍四里東北至幽州二百里西北至幽州二百里

戶主一萬四千一百二客九百五十七

土貢絹一十疋

縣二景祐元年省永清縣入文安徙文安縣為州治皇祐元年復徙舊地

上文安三鄉劉家渴刀魚莫金阿翁雁頭黎陽喜渴鹿角八寨有澠水韋河百濟河益津關

上大城州東一百五里二鄉萬春一鎮有滹沱河

古跡 莫金口城漢封公孫渾邪為平曲侯即其地

古南關城圖經云趙武靈王所築以朝鮮有關城故此
雲南關城 趙君廟神仙傳云變字靈和漢武時為文
安令好道百姓為立祠 周堪墳漢光祿大夫

上德州平原郡軍事

治安德縣

地里東京九百五十里東至本州界一百一十里自界
首至棣州一百三十里西至本州界一百八里自界首
至永靜軍一百四十里南至本州界八十五里自界首
至博州一百七十五里北至本州界五十里自界首至

永靜軍一百里東南至本州界四十里自界首至齊州
二百里西南至本州界六十里自界首至恩州一百七
十里東北至本州界一百一十里自界首至滄州一百
二十里西北至本州界二十里自界首至永靜軍一百
二十五里

戶主一萬八千八百一十一客一萬八千二十七

土貢絹一十疋

縣二乾德六年省歸化縣入德平景祐二年省安陵縣

為鎮入將陵慶歷七年以將陵縣隸永靜軍熙寧六年
省德平縣為鎮入安德

望安德八鄉德化糜村將陵懷仁德平重興盤河磁博
八鎮有黃河鬲津河

繁平原州西南四十里二鄉藥家水務二鎮有黃河金
河

古跡 禹城縣通紀云禹國創姓臯陶之後漢為縣創
城即漢之鄃縣 鮶堤古般城漢縣也 婁敬廟 東

方朔墓一張騫墓 後漢彭寵墓 蘭相如墓 裏敬
墓 郭隗墓

上濱州軍事

治渤海縣

地里東京一千一百八十里東至本州界九十五里自
界首至青州二百里西至本州界四十里自界首至棣
州五十里南至本州界五十一里自界首至淄州一百
七十里北至本州界八十里自界首至滄州二百四十
里東南至本州界六十五里自界首至青州一百七十

五里西南至本州界八十里自界首至棣州八十里東北至本州界七十五里自界首至滄州三百里西北至本州界六十里自界首至滄州一百四十里

戶主一萬四千六百一十二客三萬一千七百二十一
土貢絹二十疋

縣二大中祥符五年省蒲臺縣為鎮入渤海慶歷三年析地置招安縣熙寧六年省為鎮元豐二年復為縣望渤海三鄉寧海東永和通賓舊安定三汊臺新安定

李則丁字河九鎮有黃河

繁招安州西北六十里二鄉永豐馬家莊二鎮有儒山

沙河

古跡 秦臺郡國志云秦始皇東遊築此臺以望滄海
因榮浦繁馬今復有蒲似水楊而堪為箭

下恩州清河郡軍事

唐貝州晉永清軍節度周降
防禦皇朝建隆元年復為永

清軍節度慶歷八年改
恩州降軍事治清河縣

地里東京六百五十里東至本州界一百四十五里自

界首至德州六十五里西至本州界三十八里自界首
至邢州二百里南至本州界三十五里自界首至北京
二百二十里北至本州界六十八里自界首至冀州五
十二里東南至本州界五十五里自界首至德州一百
二十五里西南至本州界四十五里自界首至洺州二
百里東北至本州界一百六十里自界首至永靜軍一
百三十里西北至本州界六十二里自界首至趙州二
百一十里

戶主二萬二千五百三十五客二萬二千四十九

土貢白氈一十條

縣三至和九年省漳南縣為鎮入歷亭熙寧四年省清陽縣入清河

望清河四鄉定遠阮村甘陵太清寧化田樓六鎮有永濟渠漳渠

望武城州東五十里四鄉饒陽領宗寶保舊縣四鎮有永清渠河沙河

繁歷亭州東九十里四鄉安樂楊村禮固漳南四鎮有

永濟渠

古跡 甘陵侯國合為清河縣地 貝丘左氏傳齊襄公田於貝丘今為清陽縣地 武城七國時趙平原君勝封於此 紜歌臺言偃為武城宰孔子過聞絃歌之聲後人因名之 故骸堤

同下州永靜軍

唐景州周降為定遠軍隸滄州皇朝太平興國六年以軍直隸京師

景德元年改永
靜治東光縣

地里東京九百五十里東至本軍界二十五里自界首至滄州九十五里西至本軍界八十八里自界首至冀州一百四十二里南至本軍界一百六十里自界首至恩州一百四十里北至本軍界七十里自界首至灤州一百一十里東南至本軍界一百二十里自界首至德州二十里西南至本軍界一百一十七里自界首至恩州一百八十五里東北至本軍界四十五里自界首至滄州七十五里西北至本軍界八十里自界首至深州

一百一十里

戶主二萬三百七十三客一萬三千一百一十二

土貢絹一十疋 簇一十領

縣三太平興國六年以滄州東光縣淳化元年以冀州
牟城縣隸軍慶歷七年以德州將陵縣隸軍嘉祐八年
省阜城縣為鎮入東光熙寧十年復為縣

緊東光四鄉新高弓高袁村三鎮有永濟渠漳河

望將陵軍西南一百二十里三鄉安陵吳橋仁高趙宅

王琮五鎮有永濟渠鈞盤河

中阜城軍西七十里一鄉有衡漳河

古跡 唐初為觀州又改為景州後治東光州改為定

遠軍仍井弓高入之景德中改今名 胡蘇亭見漢書

志 胡盧河即衡漳之別名 龍堂唐貞元中有龍見

勅建祠堂 王莽河 東城圖經云趙簡子築古弓高

城今號為簡城

同下州乾寧軍

太平興國七年以
滄州永綏縣置軍

地里東京一千二百里東至本軍界四十里自界首至
滄州九十里西至本軍界一十五里自界首至瀛州一
百五十五里南至本軍界三十里自界首至永靜軍一
百八十里北至界河一百五里東南至本軍界五十里
自界首至滄州六十里西南至本軍界五十五里自界
首至深州三百七十五里東北至界河一百四十里西
北至本軍界二十里自界首至霸州一百六十里
戶主五千二百六十三客一千一百九十三

土貢絹一十疋

鎮一太平興國七年置乾寧縣熙寧六年省為鎮
范橋軍南三十里二鄉有永濟渠界河

寨六

釣臺軍北六十里

獨流北軍北一百二十里

獨流東軍北一百二十里

當城軍北一百三十里

沙渦軍北一百四十里

百萬軍東北一百四十五里

古跡 盤古溝水深三丈雖旱不涸 盤古墓

同下州信安軍太平興國六年以霸州淤口寨為破虜軍景德二年改信安

地里東京一千四百里東至本軍界八十五里自界首至乾寧軍一百五十五里西至本軍界八里自界首至霸州四十二里南至本軍界二十里自界首至霸州五十里北至薊州一百六十里東南至本軍界三十里自

界首至霸州七十里西南至本軍界三十五里自界首至保定軍三十五里東北至巒州一百八十里西北至幽州一百八十里

戶主三百一十八客三百九十一

土貢絹一十疋

寨六太平興國六年以霸州永清文安二縣隸軍後以二縣復隸霸州

周河軍西十里

刀魚軍北三步

田家軍東一十里

狼城軍東五十里

佛聖渦軍東五十里

李詳軍東六十里有界河滹沱河

古跡 本古於口關也周世宗改關南於此置寨皇朝

建軍石蓮池河北濟河 赤瓦河

同下州保定軍

太平興國六年以涿州歸信縣
新鎮建平戍軍景德元年改保定

地里東京一千三百五十里東至本軍界三里自界首至信安軍六十七里西至本軍界二十里自界首至雄州六十里南至本軍界二十里自界首至莫州五十里北至涿州一百八十七里東南至本軍界七里自界首至霸州三十里西南至本軍界一十五里自界首至莫州五十五里東北至本軍界八里自界首至霸州二十里西北至幽州二百五十里

戶主八百二十八客二百三十三

土貢絶一十四匹

寨二景祐元年析霸州文安大成二縣五百戶隸軍
桃花軍北七里

父母軍西北一十一里有滹沱河

古跡 本雄州歸信縣之新鎮也皇朝分置軍以其形
勝乃邊陣之衝要也

西路

府一州一十一
軍四縣五十三

次府真定府常山郡成德軍節度

治真定縣

地里東京九百五十里東至本府界八十九里自界首至祁州一十里西至本府界二百里自界首至太原府二百三十里南至本府界七十五里自界首至趙州二十里北至蔚州四百九十里東南至本府界一百一十里自界首至深州一百二十五里西南至本府界一百一十九里自界首至平定軍八十五里東北至本府界六十里自界首至定州六十里西北至本府界三百六十里自界首至代州二百六十里

戶主六萬九千七百五十三客一萬三千八百五十四
土貢羅三十尺

縣八建隆元年以壤子關北建承天軍隸府後廢開寶六年省石邑縣為鎮入獲鹿九門縣入橐城端拱二年以古城縣隸祁州淳化元年以東鹿縣隸州熙寧六年省井陘縣入獲鹿平山八年復置井陘縣徙天威軍祁縣治置軍使隸府八年省靈壽縣為鎮入行唐

次赤真定八鄉大茂山滋水滹泥河

次畿濠城府東六十三里六鄉有滋水滹沱河

次畿欒城府南六十三里二鄉有泜水洨水

次畿元氏府南九十八里六鄉有封龍山槐河

次畿井陘府西南八十九里一鄉舊縣一鎮

次畿獲鹿府西南九十九里三鄉石邑一鎮有平山滹

沱河

次畿平王府西六十五里五鄉有房山冶河

次畿行唐府北五十五里六鄉靈壽慈谷二鎮有女山

常水

寨一咸平三年置熙寧八年析行唐縣二鄉隸寨

北寨府西北一百里二鄉嘉祐一鎮

古跡 井陘穆天子傳獵於陘山史記始皇興兵塞井陘口韓信東下井陘即此地 古土門亦井陘道也

韓臺圖經云韓信築此臺 線漫水圖經云韓信背水為陣即此水也 唐克廣漢書張昆曰堯為唐侯封於此 樂王墓 蘭相如墓

卷二
望相州鄼郡彰德軍節度

治安
陽縣

地里東京三百五十里東至本州界七十五里自界首至北京一百五里西至本州界一百四十里自界首至潞州一百二十里南至本州界五十五里自界首至衛州九十里北至本州界四十里自界首至磁州二十里東南至本州界六十里自界首至澶州八十五里西南至本州界八十里自界首至衛州七十六里東北至本州界八十里自界首至洺州九十里西北至本州界五

十里自界首至磁州三十五里

戶主二萬六千七百五十三客二萬一千九十三

土貢紗絹各一十疋知母胡粉各一十斤

縣四天聖七年改永定縣為永和熙寧六年省永和縣

為鎮入安陽鄴縣為鎮入臨漳

緊安陽四鄉天禧永和二鎮有韓陵山龍洹水防水

緊湯陰州南四十里一鄉有牟山菱山湯水淇水

緊臨漳州東北六十里二鄉鄴一鎮有乘山漳水

中林慮州西九十里一鄉磻陽治一務有隆慮山洹水
漳水

上內丘州北四十七里五鄉堯山一鎮有干言山內丘
山泜水渚水

中南和州東南三十二里三鄉任一鎮有任水泜水
古跡 星海山劉道之山川記云漢明帝母詣溫湯水
於此山置營幕因以為名 趙簡子臺 白起城 干

言山海經云泜水又東南經干言山北詩云出宿于干

飲餞于言是也 古柏人城皇甫謐帝王記堯所都也
市相鄉城冢記云堯所置 張耳臺 帝堯廟城冢
記云堯於此登山東贈洪水訪賢人故立廟 王離冢
按漢書秦將也

雄懷州河內郡防禦

建隆元年升團練四年升防禦治河內縣

地里東京三百二十五里東至本州界二百二十五里
自界首至衛州一百二十里西至本州界三十五里自
界首至孟州七十里南至本州界三十里自界首至孟

州四十里北至本州界六十里自界首至澤州六十里東南至本州界一百二十五里自界首至東京二百里西南至本州界四十里自界首至孟州三十里東北至本州界一百八十三里自界首至衛州七十里西北至本州界四十里自界首至孟州九十里

戶主一萬九千一百三十四客一萬三千六百八十二

土貢牛膝五十斤

縣二天聖四年以獲嘉縣隸衛州熙寧六年省武德縣

為鎮入河內修武縣為鎮入武陟

繫河內七鄉武德宋郭清化萬善四鎮有太行徑黃河

沁水湏水

中武陟州東八十五里六鄉修武一鎮有太行山天門

山黃河沁水

古跡 故卽鄆衛三國之地河內古邢國 古野王城

春秋時野王邑晉人執晏弱於此 太行山禹貢太行

至于碣石 邢水水經云在太行之阜經邢城西 古

朝城 邢臺 葛伯城即湯始征者 修武城 沁陽

城 淬劍池圖經云嵇康淬劍之所 獲嘉春秋寢邑

漢武帝至此間南越相呂震首因為名 同盟山圖經

云武王伐紂諸侯同盟此山 百尺河一名清水水經

云清水出河內脩武縣北里亦云白鹿山 葛伯墓

樊噲墓 張良墓

望衛州汲郡防禦

至道三年升
防禦治汲縣

地里東京一百三十五里東至本州界二十里自界首

至滑州四十里西至本州界一百一十里自界首至懷
州二百四十里南至本州界三十里自界首至東京一
百一十五里北至本州界九十五里自界首至相州五
十五里東南至本州界二十里自界首至東京一百一
十五里西南至本州界一百一十二里自界首至鄭州
五十一里東北至本州界一百五十里自界首至澶州
七十里西北至本州界一百四十五里自界首至涿州
二百里

戶主三萬三千八百四十三客一萬三千八百七十三
土貢絹二十疋綿一百兩

縣四天聖四年以懷州獲嘉縣隸州以衛縣隸通利軍
熙寧三年廢通利軍以衛縣黎陽縣隸州六年省縣為
鎮入黎陽新鄉縣為鎮入汲

中汲五鄉杏園新鄉淇門三鎮有蒼山黃河御河
上獲嘉州西北十里四鄉入寧一鎮有同盟山黃河清
水

中共城州西北五十五里三鄉銀錫一場有白鹿山天
門山共山淇水百門陂

中黎陽州東北一百二十里四鄉衛苑橋二鎮有大伾
山任人山黃河永濟渠

監一熙寧七年置鑄銅錢

黎陽州北二里

古跡 沂城本牧野之地漢為縣 蒼山水經云方山
西有蒼谷 鄈城周分商畿內為三國鄆鄈衛是也

獲嘉城事見懷州 延津魏志曹公遣于集守延津
蘇門山孫登隱於此號蘇門先生 朝歌紂都也 鹿
臺史記云紂厚賦稅以實鹿臺之錢是也 酒池史記
云紂以酒為池 共山闕駟十三州記云共伯復歸於
國逍遙共山之首 天門山九州要記云嵇康操藥逢
孫登彈一絃琴即此山 古凡城左氏傳云凡蔣邢茅
周公之嗣也 太公廟又有太公泉 商太師廟比干
廟也唐太宗朝贈太師 比干墓

望洺州廣平郡防禦

建隆元年升防
熙治永年縣

地里東京五百五十五里東至本州界九十五里自界首至北京八十里西至本州界七十五里自界首至磁州一百一十里南至本州界五十五里自界首至北京九十里北至本州界四十里自界首至邢州四十五里東南至本州界六十里自界首至北京六十里西南至本州界二十里自界首至磁州八十里東北至本州界七十里自界首至邢州一百二十里西北至本州界二

十八里自界首至邢州六十四里

戶主二萬五千一百七客一萬六百五十二

土貢平綢二十疋

縣四熙寧三年省曲周縣為鎮入雞澤六年省臨洺縣為鎮入永平

上永平四鄉臨洺東西二鎮

望肥鄉東南三十五里二鄉翟固新寨清漳新安四
鎮

繁平恩州東九十里二鄉白家灘南洛水二鎮

中雞澤州東北六十里四鄉曲周北洺水二鎮

古跡 廉頗臺 列人城汲冢記云梁惠王伐邯鄲取

列人 洮水水經云洺水東流經曲梁城 古邱閣城

圖經云紂所積倉書云武王克商發巨橋之粟是也水

經云衡漳水又北經邱閣西 毛遂冢 平原君墓

張耳墓

望深州饒陽郡防禦

治靜

安縣

地里東京九百五十里東至本州界六十五里自界首
至冀州一百里西至本州界七十三里自界首至祁州
九十里南至本州界一十五里自界首至冀州七十五
里北至本州界一百二十五里自界首至麗州五十五
里東南至本州界三十五里自界首至冀州六十五里
西南至本州界一十五里自界首至冀州七十五里東
北至本州界一百一十五里自界首至河間六十里西
北至本州界一百三里自界首至祁州六十五里

戶主三萬三千五百一十八客五千二百五十

土貢絹二十疋

縣五太平興國八年以下博縣隸靜安軍雍熙二年軍廢還隸三年省下博縣四年復置改靜安仍省六澤望入焉淳化元年以真定府東鹿縣隸州至道三年以樂壽縣隸瀛州

望靜安四鄉有衡漳水大陸澤

望束鹿州西四十五里四鄉有衡漳水滹沱河

望安平州西北八十五里三鄉有沙河滹沱河

望饒陽州北九十里三鄉有滹沱河

望武彊州東北六十里四鄉有衡漳水武彊泉

古跡 滹沱河 下博漢縣屬信缺 武迷於下博

是也 古危渡光武為赤眉所追將至滹沱使五伯前
瞻慮驚衆紿言可渡比至冰合渡畢冰釋因名危渡

白馬溝水經云魏白馬主所鑿 蕪蔓亭後漢光武自
薊晨夜至饒陽蕪蔓亭是也 武彊故城漢侯國 武

遂城破趙將扈輒於武遂斬首十萬即此城 光武廟

上磁州滏陽郡團練

治滏陽縣

地里東京四百五十里東至本州界四十五里自界首至北京一百五里西至本州界六十里自界首至潞州三百二十里南至本州界一百八里自界首至相州四十二里北至本州界九十七里自界首至洺州一十三里東南至本州界一十里自界首至相州五十里西南至本州界二十五里自界首至相州三十五里東北至

本州界七十五里自界首至洺州三十五里西北至本
州界二百三十三里自界首至遼州二百里

戶主二萬二十四客九千二百

土貢磁石一十斤

縣三太平興國元年改昭義縣為昭德熙寧六年省昭
德縣為鎮入滏陽

上滏陽一鄉昭德觀臺二祖臺村四鎮有滏山磁山漳

水滏水

上邯鄲州東北七十里二鄉大趙一鎮有邯山靈山漳水牛首水

上武安州西北九十五里二鄉北陽固鎮邑城三鎮鐵冶一務有錫山武安山沼水

古跡 重岡魏文帝校獵賦曰陵重岡歷武城是也

滏水圖經云泉源瀵湧若湯焉山海經云滏水出神苗之山 淬劍池圖經云干將淬劍於此 干將城 蔽

臺趙武靈王所築鄒陽上書云覩妝袴服叢臺之下者

缺

市 武安故城秦攻武安屋瓦皆震是也 武始

城漢張

缺

封武始侯 武子城趙紀云趙武子所築

鼓山有二石如鼓鳴即有兵 磁州出磁石磁毛石

九侯城禮記紂脯九侯司馬彪曰九一作鬼 白起廟

趙簡子家 蘭相如家 趙奢家 樂毅家

中祁州蒲陰郡團練

景德二年升團練治蒲陰縣

地里東京一千二百里東至本州界一十二里自界首至永寧軍三十八里西至本州界一百八里自界首至

定州四十里南至本州界七十五里自界首至深州七十
五里北至本州界二十三里自界首至永寧軍三十
里東南至本州界二十五里自界首至深州一百二十
五里西南至本州界一百五十里自界首至趙州五十
里東北至本州界一十二里自界首至永寧軍三十八
里西北至本州界二十二里自界首至定州五十里
戶主二萬一千二百六十八客二百二十四
土貢花絛一十疋

縣二端拱元年以真定府鼓城縣隸州景德元年以無
極縣隸定州以定州蒲陰縣隸定州熙寧六年省陰澤
縣為鎮入鼓城縣

望蒲陰七鄉有唐河沙河雷源水

緊鼓城州西南一百里三鄉深澤一鎮有滹沱河盤蒲
澤

古跡 孝相口圖經云一名危渡事見深州 下曲陽
城春秋時鼓子鳶鞮之國也見左傳十三州志云中山

有上曲陽故此云下

望趙州趙郡軍事

治平
縣

地里東京八百五十里東至本州界一百五里自界首至冀州一百三十里西至本州界一百四十九里自界首至平定軍一百四十里南至本州界七十四里自界首至邢州七十里北至本州界三十九里自界首至真定府八十里東南至本州界九十五里自界首至冀州七十里西南至本州界一百一十九里自界首至邢州

七十八里東北至本州界五十二里自界首至祁州一百五十里西北至本州界二十一里自界首至真定府七十五里

戶主三萬五千四百八十一客六千二百五十六

土貢絹一十疋綿一百兩

縣四開寶五年改昭慶縣為隆平熙寧五年以柏鄉贊
皇三縣為鎮入高邑六年省隆平為鎮入臨城

望平棘五鄉有洨水槐水

望寧晉州東南四十一里四鄉奉城一鎮有洨水浸水上臨城州西南一百三里四鄉隆平一鎮有登輿山彭山泜水

中高邑州西南四十二里五鄉柏鄉贊皇二鎮有贊皇山濟水

古跡 平棘故城春秋棘邑十三州志戰國時改為平棘 古欒城晉欒氏別邑 沃州城水經云泜水東至沃州城入汰湖是也 柏鄉故城晉鄗邑管仲對齊桓

公鄗邑之黍是也 象城圖經按趙記云舜弟象居之
泜水山 平山城酈元水經云槐水又經平山南即
此也 孤峙亭見隋圖經 漢光武廟 光武墓 魏
大司農李卿墓 梁荀家漢桓帝時為博士 漢馮唐
墓 後漢耿純墓 漢任敖墓

下保州軍事

建隆元年以莫州清苑縣地置保塞
軍太平興國六年升為州治保塞縣

地里東京一千三百里東至本州界四十里自界首至
順安軍二十里西至本州界四十五里自界首至定州

一百一十五里南至本州界七十里自界首至永寧軍
二十里北至本州界五里自界首至廣信軍三十五里
東南至本州界六十里自界首至順安軍二十里西南
至本州界五十里自界首至定州七十里東北至本州
界二十里自界首至安肅軍二十里西北至易州一百
七十里

戶主二萬一千四百五十三客三千四百二十

土貢絹一十疋

縣一太平興國元年改清苑縣為保塞

望保塞八鄉郎山一寨有枹楊山沈水饋軍河

古跡 廣望城本漢縣武帝封中山靖王子為廣望侯

同下州安肅軍

太平興國六年以易州宥戎鎮地置靜戎軍景德元年改安肅治安

縣 肅

地里東京一千三百里東至本軍界二十里自界首至雄州六十里西至本軍界一十五里自界首至廣信軍五里南至本軍界二十里自界首至保州一十五里北

至易州八十里東南至本軍界二十里自界首至順安

軍二十五里西南至本軍界二十里自界首至保州二

十五里東北至本軍界二十里自界首至雄州六十里

西北至易州八十里

戶主五千九百七客一千四

土貢絛一十疋

縣一太平興國六年析易州遂城縣地置靜戎縣景德

元年改安肅

中安肅三鄉有易水漕河

古跡 易水水經云出代州廣昌縣西南至古河陽城
燕太子丹送荆軻於此 古徐城城冢記云周景王時
大將軍徐峻所造 左伯桃墓

同下州永寧軍

雍熙四年以定州博野縣地置寧
遷軍景德元年改永定天聖七年

改永寧治
博野縣

地里東京九百五十里東至本軍界五十里自界首至
瀛州五十里西至本軍界四十二里自界首至邢州一

十五里南至本軍界六十里自界首至深州一百一十
里北至本軍界三十五里自界首至保州五十里東南
至本軍界三十五里自界首至深州一百一十五里西
南至本軍界三十二里自界首至祁州一十五里東北
至本軍界五十里自界首至順安軍七十三里西北至
本軍界五十里自界首至定州一百二十里

戶主一萬三千五百八十二客九千五十七

土貢綢一十疋

縣一

望博野七鄉新橋一鎮有沙河唐河

古跡 郭丹城圖經云契丹相持築此城後於此約和
至今名為和甸 霍光墓

同下州廣信軍

太平興國六年以易州遂城縣置城虜軍景德元年改廣信治遂城

縣

地里東京一千三百里東至本軍界七里自界首至安
肅軍一十三里西至易州九十里南至本軍界三十里

自界首至保州一十里北至易州七十五里東南至本軍界一十五里自界首至安肅軍五里西南至本軍界一十五里自界首至保州二十五里東北至本軍界一十五里自界首至安肅軍五里西北至易州八十里戶主三千一百七十三客一百八十

土貢綢一十疋

縣一

中遂城四鄉有遂城山易水漕水鮑河

古跡 遂城山本名龍山括地志云其上往往有仙人及龍跡 釜山邢子勵高陽記云漕水出釜山是也

班妃山圖經云隋煬帝東征於山上置班姬廟 易水漕水高陽記云漕水出釜山南流經羊角淀北新城西至伏龍泉與漕水流 長城蒙恬所築 新城高陽記云本顓頊所造又名伏龍城

同下州順安軍太平興國七年以瀛州廢唐興縣地置唐興寨淳化三年升順安軍

治高
陽縣

地里東京一千二百里東至本軍界一十六里自界首
至莫州五十五里西至本軍界二十五里自界首至保
州四十五里南至本軍界八十一里自界首至瀘州四
十里北至本軍界一十三里自界首至雄州七十七里
東南至本軍界四十里自界首至莫州三十五里西南
至本州界四十四里自界首至永寧軍七十六里東北
至本軍界一十六里自界首至雄州七十四里西北至
本軍界一十六里自界首至安肅軍二十九里

戶主七千一百六客三千八百三十一

土貢絹一十疋

縣一至道三年以瀘州高陽縣隸軍熙寧六年省為鎮

十年復為縣

中高陽鄉有徐河百濟河

元豐九域志卷二

欽定四庫全書

史部

元豐九域志卷三

詳校官編修臣曹振鏞
檢討臣德生覆勘

總校官編修臣王燕緒

校對官中書臣宋枋遠

謄錄監生臣吳端

欽定四庫全書

元豐九域志卷三

宋 王存等 撰

陝西路

永興軍路

秦鳳路

陝西路

太平興國二年分河北河南路又有陝府
西路後併一路熙寧五年分永興軍秦鳳

路

永興軍路

府二州一十五
軍一縣八十三

次府京兆府京兆郡永興軍節度

治長安萬
年二縣

地里東京二千二百五十里東至本府界九十五里自
界首至華州八十五里西至本府界一百六十一里自
界首至鳳翔府一百四十八里南至本府界四百三十
里自界首至金州一百五十里北至本府界八十三里
自界首至耀州九十七里東南至本府界一百三十里
自界首至商州一百三十五里西南至本府界一百四

十五里自界首至洋州九十五里東北至本府界一百
三十里自界首至同州一百二十里西北至本府界一
百七十五里自界首至邠州一百里

戶主一十五萬八千七十二客六萬五千二百四十
土貢席一十領鞶瓊一十領蠟五十斤酸棗仁二斗地
骨皮一十斤

縣一十四乾德二年以奉先縣隸同州好畤縣隸乾州
大中祥符八年改昭應縣為臨潼熙寧五年乾州廢以

奉天縣隸州

次赤長安六鄉子午一鎮有終南山龍首山澧水渭水鎬水漆渠

次赤萬年七鄉城東城南鳴特異谷伯橋五鎮有終南山漒水龍首渠

次畿鄆府南六十里三鄉秦渡日河二鎮有終南山渭水渼陂

次畿藍田府東南七十里二鄉焦戴堠子二鎮有藍田

山蕡水灞水

次畿咸陽府西四十里二鄉有渭水灤水

次畿醴泉府西北七十里四鄉甘北一鎮有九嵒山浪

水

次畿涇陽府北七十里三鄉臨涇一鎮有涇水白渠龍
泉陂

次畿櫟陽府東北九十里二鄉栗邑一鎮有渭水沮河

清泉陂

次畿高陵府東北七十里一鄉畹沙渭橋二鎮有涇水

渭水白渠

次畿興平府西八十五里二鄉有渭水灤水

次畿乾祐府東南三百五十里四鄉有沗水洵水

次畿奉天府西北一百五十里三鄉薛祿一鎮有梁山

漢水

監二熙寧四年置鑄銅錢八年置鑄鐵錢

銅錢府西北一里

鐵錢府西北一里

古跡 杜城即杜伯國也 鄢夏之有扈國也書云啟與有扈戰於甘亭崇國今為鄖縣也 武功古有邵國古有聚城 新豐古城古酈戎國秦曰驪邑 酈戎故城亦驪戎國也 軒道秦王子嬰於此降高帝 子午關王莽通子午道因置關今廢 終南山毛萇云周之名山終南也 九嵒山 子午谷 渭水 瀏水 湛水 焦護澤爾雅云周有焦護 樊川十道志云其地

即杜陵之鄉漢將軍樊噲食邑於此故曰樊川 龍首

渠 永池按十道志名彪池亦名聖女泉 蛇尤冢

扁鵲墓 荆軻冢 檮里子墓 太公冢 蝦蟆陵

董仲舒墓也 揚雄冢

次府河中府河東郡護國軍節度

唐河中節度皇朝太平興國七

年改護國軍
治河東縣

地里東京九百三十二里東至本府界七十五里自界
首至解州二十九里西至本府界一十一里自界首至

同州四十九里南至本府界五十里自界首至陝州一百八十八里北至本府界二百五里自界首至隰州三百三十里東南至本府界八十里自界首至虢州九十五里西南至本府界十一里自界首至華州一百二十九里東北至本府界一百七十五里自界首至絳州九十里西北至本府界三十六里自界首至鄜州三百九里

戶主四萬九千三百五一客五千五百三十六

土貢五味子五十斤龍骨一十斤

縣七大中祥符四年改寶昌縣為榮河隸慶成軍熙寧元年廢軍以榮河縣隸府即縣治置軍使三年省河西縣六年省永樂縣並入河東

次赤河東四鄉洿谷倅河永樂三鎮有中條山拓丘開山五老山黃河媯水汭水

次畿臨晉府東北六十五里二鄉有三疑山黃河瀵水次畿猗氏府東北九十五里二鄉有孤山涑水

次畿虞鄉府東六十里二鄉有中條山雷首山壇道山
次畿萬泉府東北一百五十里二鄉有介山

次畿龍門府東北一百八十里二鄉有龍門山黃河汾
水

次畿榮河府北一百里二鄉北鄉胡壁保士三鎮有黃
河汾水睢水

古跡 古耿國殷帝祖乙自此遷於毫 古虞國周封
叔仲於此 畿帝古國也 狹氏古郇國也後以狹頓

所居因為猗氏 首山官按漢書武帝元豐六年作蒲津關 中條山 五老山昔堯昇首山觀河渚有五老遊言訖飛上天因以名之 龍門山書云導河自龍門是也又梁山北有龍門大禹所鑿 歷山漢武因祀后土嘗登厯山媯汭二水源出首山酈元云厯山舜耕處有二源合流入河漢水按爾雅云漢水出尾下又按水經云漢水出汾陰南四十里周迴一百八十步冬溫夏冷清澈見底 雷水源出雷首山穆天子傳曰天子至

雷首犬戎獻良馬使孔牙受之於雷水之缺是也 舜

井庖王廟

舜廟在舜城內

蒼陵廟西征記云舜

二妃也

河瀆廟又有河侯祠漢郊祀志曰祀河於臨

晉 巨靈祠郭緣生述征記云華山與首陽山本同一

山河神巨靈擘開以通河流 伯夷叔齊廟 庖王陵

戴延之西征記云潼關直北隔河望有層阜蒼然獨秀

謂之風陵伏羲氏風姓也 伯夷叔齊墓 孫陽墓

荆軻墓

大都督府陝州陝郡保平軍節度

唐保義軍節度
皇朝太平興國

元年改保平
軍治陝縣

地里東京六百五十九里東至本州界九十三里自界
首至西京一百九十五里西至本州界一百九十五里
自界首至華州八十五里南至本州界八十九里自界
首至虢州一十二里北至本州界一百八十八里自界
首至絳州七十里東南至本州界七十三里自界首至
西京一百七十里西南至本州界六十八里自界首至

虢州三十里東北至本州界一百四十五里自界首至
解州三十五里西北至本州界一百二十八里自界首
至河中府一百九里

戶主三萬二千八百四十客一萬一千五百五十三
土貢綢緞各一十疋桔樓根柏子仁各一十斤

縣七太平興國三年以虢州閬鄉縣湖城縣隸州熙寧
四年省湖城縣為鎮入於靈寶六年省陝石縣為鎮入
陝元豐六年復置湖城縣

上陝六鄉石壕乾壕故縣三鎮有硯頭山二嶠山底柱
山黃河橐水

上平陸州北五里五鄉張店三門集津三鎮有吳山析
山

上夏州北九十八里七鄉曹張一鎮有巫咸山中條山
涑水

上靈寶州西四十五里三鄉有夸父山黃河稠桑澤古

函谷關

中下芮城州西北五十九里二鄉有中條山裏水黃河

龍泉

下湖城州西南一百一十里一鄉有荆山鑄鼎原鳳林
泉鼎湖

中下閩鄉州西一百七十里一鄉歇馬關東二鎮有泰
華山黃河玉澗水

監二熙寧四年置鑄銅錢八年置鑄鐵錢

銅錢州東一百步

鐵錢州西五十步

古跡 召伯甘棠樹在府署西南隅事見詩 古魏國

城左傳曰姬姓國也 芮城商周列國與虞質田於文

王者也 焦城古焦國姬姓 函谷關 雷首山禹貢

云壺口雷首 三門底柱山見地志孔安國云山見水

中若柱又鑿為三門者古治子從齊景公濟於此 巫

咸山見地志 吳山古吳阪麒麟駕鹽車遷延負轍而

不進即此處也 鴟湖黃帝採首山之銅鑄鴟於荆山

下堯成帝昇天因名其地 汾津穆天子傳文天子自
顛軫次於汾水之陽水經云漢武帝陽亭長妻此津令
其鬻渡 傳說祠 召伯祠 茄君祠 奎父廟 河
上公廟 女媧氏陵 關龍逢墳

中都督府延州延安郡彰武軍節度

治膚施縣

地里東京一千五百三十里東至本州界二百五十四
里自界首至隰州一百二十五里西至本州界一百四
十四里自界首至慶州一百九十里南至本州界一百

五里自界首至鄜州三十五里北至夏州二百二十二里東南至本州界二百二十里自界首至隰州一百五十四里西南至本州界一百二十里自界首至坊州一百四十里東北至綏德軍三百三十里西北至宥州二百六十四里

戶主三萬四千九百一十八客一千八百四十九

土貢麝五兩蠟一百斤

縣七熙寧五年省豐林縣為鎮金明縣為寨並入膚施

八年省延水縣為鎮入延川

中膚施一鄉青化豐林二鎮金明龍門寨安三寨安寨
一堡有五龍山伏龍山洛水清水濁涇水

中延川州北一百四十里三鄉延水一鎮丹頭綏平懷
寧順安白草水平浮圖義合米脂九寨安定黑水二堡
永寧關有黃河吐涎水

中延長州東一百三十里三鄉有獨戰山濯筋水

中門山州東南一百八十里一鄉有重覆山黃河渭牙

川水

中臨真州東南一百一十里三鄉有庫利川

中敷政州西九十里一鄉招安萬安二寨有三堆山洛

水

中下甘泉州南七十一里一鄉有雕陰山洛水

城二康定元年置青澗熙寧二年廢綏州為綏德城

青澗州東北一百八十五里

綏德州東北三百三十里

監一熙寧八年置

鐵錢州城東二里

古跡 春秋時白翟所居秦白高奴昔趙武靈王滅中山遷其人於膚施即此地 五龍池有黃帝五龍祠四所在山上亦謂之仙泉祠 州城東西暖泉七眼其味甘美冬溫夏冷遇大寒衆泉凍此泉流溢不減甚濟居人 龍泉水經云龍泉道左山山有牧龍川多產駿馬

望同州馮翊郡定國軍節度

唐匡國軍節度周降軍事皇朝太平興國

七年為定國軍
節度治馮翊縣

地里東京一千一百里東至本州界六十里自界首至河中州一十五里西至本州界三十五里自界首至華州四十五里南至本州界三十五里自界首至華州十五里北至本州界一百九十三里自界首至鄜州一百六十里東南至本州界九十五里自界首至華州四十里西南至本州界五十二里自界首至華州四十里東北至本州界二百六十六里自界首至河中府三十

五里西北至本州渠界一百九十里自界首至防州七

十五里

戶主六萬九千一十四客一萬五百五十六

土貢靴皮二十張

縣六乾德二年以京兆府奉先縣隸州開寶四年改為

蒲城天禧四年析隸華州熙寧三年省夏陽縣為鎮入

郃陽

緊馮翊一十鄉沙苑一鎮有洛水渭水

緊澄城州北九十里六鄉寺前良輔二鎮有梁山洛水
緊朝邑州東三十五里七鄉新市延祥二鎮有黃河渭
水

上邵陽州東北一百二十里七鄉夏陽一鎮有飛山黃
河

中白水州西北一百二十里三鄉有五龍山附預山洛
水白水

中韓城州東北二百里三鄉有大梁山三疊山黃河暢

水堦水

監一乾德三年於馮翊朝邑二縣境置牧馬監隸州
沙苑州南二十五里

古跡 古少梁城 古大荔城今謂之古王城 向城
詩小雅皇父孔聖作都於向 古邵陽城 古新里城
左傳梁伯所城命曰新里 古莘國城郡國志云邵陽
南有古莘國城散宜生為文王求有莘氏女以獻紂即
此地也世系本及詩傳莘國姒姓夏禹之後文母太姒

即此國之女 古役柵城 三曲城地里志云三業城
即此 韓城古韓國也 賈城古之賈國 北芮城漢
書地里志云臨晉有芮城古芮國 梁山左傳晉梁山
崩是也 击浮渡漢淮陰侯虜魏王豹以木罌浮渡夏
陽 龍首渠史記云臨晉人穿渠得首故以為名 子
賈廟 賈大夫冢 張禹冢

望華州華陰郡鎮潼軍節度

唐鎮軍節度皇朝皇祐五年改鎮潼軍治

縣 鄭

地里東京一千一百里東至本州界九十里自界首至
陝州一百七十里西至本州界五十里自界首至京兆
府一百里南至本州界五十里自界首至商州一百三
十里北至本州界二十里自界首至同州四十里東南
至本州界八十里自界首至虢州八十里西南至本州
界八十里自界首至京兆府一百里東北至本州界七
十里自界首至河中府三十五里西北至本州界七十
二里自界首至耀州八十里

戶主六萬八千三百四十四客一萬一千八百三十六
土貢茯苓細辛各一十斤茯神五斤

縣五天禧四年以同州蒲城縣隸州熙寧六年省渭南
縣為鎮入鄭元豐元年復為縣

上鄭七鄉赤水東一鎮有華山聖山渭水符禺水

望下邽州西北六十五里七鄉新市來化二鎮有渭水

太白渠

望蒲城州西北一百二十里九鄉新姚常樂二鎮有金

栗山洛水

緊華陰州東五十里三鄉關西敷水二鎮有泰華山松
果山黃河渭水潼關

上渭南州西三十五里四鄉赤水西一鎮有靈臺山渭
水

監二熙寧四年置鑄銅錢八年置鑄鐵錢

銅錢州南一里

鐵錢州南一里

古跡 古赤城酈元水經云渭水又東逕山都城北故邑契之所閏駢日蕃在鄭西則別山城矣俗號赤城以水名之 潼關即桃林之寨也 光武城漢光武征隗囂所築 下邽即秦武公伐邽戎之人為此縣 華山書疏云華山四州之際東北冀東南豫西南梁西北雍華山十字分之四隅為四州一名太華 少華山 涇渠鄭國所開 華岳廟秦記云華山神祠能興雲致雨翟公冢漢廷尉翟公也 楊震墓 西岳華山碑唐

明皇御製御書

緊耀州華原郡感德軍節度

唐義勝軍節度周降刺史皇朝開寶五年

為感義軍節度太平興國

元年改感德軍治華原縣

地里東京一千二百里東至本州界七十八里自界首至同州一百二里西至本州界一百三十里自界首至邠州一百里南至本州界六十里自界首至京兆府一百里北至本州界九十五里自界首至坊州七十五里東南至本州界八十五里自界首至華州九十五里西

南至本州界八十五里自界首至華州九十五里西南至本州界一百里自界首至坊州八十里西北至本州界八十里自界首至邠州一百里

戶主一萬九千八百二客六千一百八

土貢瓷器五十事

縣七淳化四年以雲陽縣梁園鎮為淳化縣

上華原二鄉有土門山漆水沮水

望富平州東南五十里一十鄉

望三原州南五十里八鄉

上雲陽州西南七十里二鄉孟店一鎮

上同官州東北五十里三鄉黃堡一鎮

中美原州東七十里四鄉

中淳化州西九十里三鄉

監一熙寧八年置

鐵錢州城西南

古跡 漆沮二水 古役羽城 孫思邈宅 鄭國渠

直市按三秦記秦文公所創物無二價故以直市為名小仲山有仲子廟設祠廟休屠金人及徑路神祠三所越至船勸祠三所越人祠也船音韋王翦墓漢李陵墓

緊邠州新平郡靜難軍節度

治新平縣

地里東京一千七百里東至本州界一百里自界首至耀州一百里西至本州界一百里自界首至涇州五十里南至本州界一百二里自界首至京兆府一百八十

里北至本州界五十五里自界首至寧州七十里東南
至本州界一百二里自界首至京兆府一百五十里西
南至本州界六十里自界首至鳳翔府一百一十里東
北至本州界一百二十里自界首至坊州六十里西北
至本州界一百五里自界首至原州九十里

戶主五萬三千六百五十二客六千一百八十五

土貢火筋五十對草豆一石剪刀三十枚

縣四乾德二年以永壽縣隸乾州熙寧五年廢乾州復

隸州以定平縣隸寧州

望新平八鄉自驥一鎮

望宜祿州西六十里八鄉邵寨一鎮

上三水州東北六十里九鄉龍泉一鎮

下永壽州南六十里三鄉麻亭長寧二寨

古跡 古幽亭周太王所都 古義渠城義渠王國也

公劉邑 鄢邑城 古鄅縣秦北地也郡縣地圖記

云秦使蒙恬北築長城又於此原築城以觴設奠有鵠

鳥飛來升觚遂以名縣 姜嫄公劉廟

上鄜州洛交郡保大軍節度

治洛
交縣

地里東京一千五百里東至本州界三百里自界首至
隰州二百一十里西至本州界一百八十里自界首至
慶州一百三十里南至本州界七十里自界首至防州
五十里北至本州界三十五里自界首至延州一百一
十里東南至本州界一百六十四里自界首至同州二
百五十里西南至本州界一百八十里自界首至寧州

七十里東北至本州界六十里自界首至丹州六十里
西北至本州界五十里自界首至延州一十五里
戶主一萬九千四百四十一客七千六百七十四
土貢席一十領大黃一百斤

縣四康定二年即鄜城縣治置康定軍使仍隸州熙寧
七年省三川縣為鎮入洛交

緊洛交三鄉三川一鎮

上洛川州東南六十五里三鄉

上鄜城州東一百二十里三鄉

中下直羅州西九十里三鄉赤城一鎮

古跡 古白翟國 秦長城 高奴城項羽封董翳為
翟王於此

中解州防禦

治解縣

地里東京七百一十五里東至本州界一百三十里自
界首至絳州二十里西至本州界三十里自界首至河
中府八十里南至本州界二十里自界首至陝州八十

九里北至本州界三十里自界首至河中府九十五里
東南至本州界三十五里自界首至陝州四十里西南
至本州界二十一里自界首至陝州九十八里東北至
本州界二百三十五里自界首至絳州三十里西北至
本州界三十里自界首至河中府八十里

戶主二萬五千四客三千九百三十一

土貢鹽花五十斤

縣三

中解一鄉有壇道山鹽池

望聞喜州東一百五里二鄉東一鎮有中條山景山涑水

緊安邑州北四十五里二鄉有中條山稷山鹽池涑水
古跡 解梁城見左傳 崧尤城見郡國志 單條湯
伐桀升自陑遂與桀戰於鳴條之野孔安國曰地在安
邑之西陑地今在安邑北二十里

中府慶州安化郡軍事

唐定安軍節度後唐降軍事皇朝建隆元年升團練

四年復降軍
事治安化縣

地里東京一千九百里東至本州界一百六十里自界
首至鄜州一百九十里西至本州界九十里自界首至
原州九十里南至本州界七十里自界首至寧州六十
里北至安州三百六十里東南至本州界九十里自界
首至寧州四十里西南至本州界缺里自界首

至原州八十里東北至本州界至宥州四百六十里西
北至本州界五十五里自界首至環州一百三十五里

戶主一萬二千六百三十八客六千三百八十二

土貢紫草毛四領檀二十領麝三兩蠟三十斤

縣三乾德二年改順化縣為安化省同州縣入焉熙寧三年以寧州彭原縣隸州四年省華池樂蟠二縣置合水縣

中安化四鄉淮安業樂土交景山四鎮大順一城東谷西谷柔遠大順安疆五寨虐泥美泥金杓三堡有馬嶺

山延慶水

望合水州東南四十五里七鄉金櫃鳳川華池三鎮華
池一寨荔原一堡有子午山

緊彭原州西南八十里六鄉董志蕭赤城寧羌缺

四鎮有彭池原睦陽川

古跡 不窪城夏后氏衰后稷之子居戎翟即此地

雄虢州號郡軍事

唐弘農郡皇朝建隆元年改常農至道二年改洪農尋改虢郡

治號畧縣

地里東京七百三十六里東至本州界二百八十三里

自界首至西京一百二十五里西至本州界二十一里
自界首至華州一百六十四里南至本州界九十里自
界首至商州一百四十里北至本州界二十九里自界
首至解州七十六里東南至本州界二百一十六里自
界首至鄧州一百六十六里西南至本州界一百一十
六里自界首至商州一百一十四里東北至本州界二
十九里自界首至陝州五十六里西北至本州界二十
一里自界首至河中府一百六十四里

戶主一萬六百六客六千九百六十五

土貢麝三兩地骨皮一十斤硯二十枚

縣三建隆元年改弘農縣為常農乾德六年省朱陽縣入常農太平興國三年以閩鄉胡城二縣隸陝州七年復置朱陽縣至道三年改常農為虢畧熙寧二年以西京伊陽縣欒川治鎮隸盧氏四年省玉城縣為鎮入虢

畧縣

中虢畧一鄉玉城一鎮鐵錢一監有鹿蹄山黃河

缺

水

中盧氏州東一百二十二里一鄉欒川治一鎮有朱陽山熊耳山洛水鄆水

中朱陽州南六十里一鄉鐵錢一監有地肺山柏谷古跡 周封虢仲之地 函谷關漢武帝置弘農縣於秦故函谷關謂道形如函即孫卿子所謂秦有松柏之塞 盧氏郡國縣道記云縣則西虢之別也遁甲開山圖云盧氏之山宜五谷可以避水灾因以為名 熊耳山

望商州上洛郡軍事

治上

洛縣

地里東京一千二百里東至本州界二百三十里自界
首至鄧州四百七十里西至本州界一百一十里自界
首至京兆府一百七十里南至本州界四百二十里自
界首至金州一百八十里北至本州界一百七十五里
自界首至華州一百五里東南至本州界四百二十里
自界首至約州二百九十里西南至本州界一百里自
界首至洋州七百九十五里東北至本州界二百里自

界首至虢州二百一十里西北至本州界一百二十里
自界首至京兆府二百一十五里

戶主一萬八千九客六萬二千三百三十九

土貢麝三兩枳殼枳實各一十斤

縣五

中上洛二鄉西市黃川二鎮龍渦鎮北二銀塲阜民一
鐵錢監有楚山熊耳山丹水

中下商洛州東八十里二鄉青雲一鎮有商山商洛水

中下洛南州北七十五里一鄉採造石界故縣兩合四
鎮麻池稜冶一銀場錫定一鉛場鐵錢一監有冢嶺山
洛水

中下豐陽州西南一百二十里二鄉有豐陽山甲水
中下上津州南三百里一鄉有天柱山杏水

古跡 古商國帝王世紀云昌始封於商則今上洛縣
亦秦封商君之邑張儀詐以商於之地六百里賂楚即
此地也 武關 王陵城在丹水上 四皓廟

望寧州彭原郡軍事

治定
安縣

地里東京一千八百里東至本州界一百二十五里自
界首至坊州一百二十五里西至本州界五十里自界
首至涇州七十里南至本州界七十五里自界首至邠
州四十五里北至本州界六十里自界首至慶州七十
里東南至本州界一百七十里自界首至坊州一百四
十里西南至本州界四十里自界首至邠州一百里東
北至本州界一百二十五里自界首至鄜州一百七十

五里西北至本州界四十里自界首至原州一百五里
戶主三萬三千二百六十八客四千一百六

土貢荆芥葦箇各一十斤席一十領碗十枚

縣四太平興國元年改豐義縣為彭陽至道三年以彭
陽縣隸原州熙寧三年以彭伊縣隸慶州五年以邠州

定平縣隸州

緊定安七鄉交城棗社二鎮有洛水九陵水

緊定平州南六十里八鄉永昌一鎮有涇水

上襄樂州東五十里四鄉泥塲一鎮有延川水

下真寧州東南七十里三鄉山河顯聖二鎮有子午山

羅川水要冊湫

古跡 橋山漢地里志云上郡陽周保南有橋山風土記云陽周縣南有黃帝陵在子午山 軒轅太子陵廟蘇太子陵

上坊州中部郡軍事

治中
邵縣

地里東京一千三百里東至本州界四十里自界首至

鄜州一百六十里西至本州界一百七十里自界首至寧州一百一十里南至本州界七十五里自界首至同州一百六十里北至本州界四十五里自界首至鄜州六十五里東南至本州界九十里自界首至同州一百八十里西南至本州界一百六十五里自界首至邠州一百四十里東北至本州界九十里自界首至鄜州一百一十里西北至本州界九十四里自界首至鄜州一百六十里

戶主八千二百三十六客五千四百三

土貢弓絃麻二十斤席一十領

縣二熙寧元年省昇平縣為鎮入宜君

縣中部六鄉有橋山石堂山洛蒲水

中宜君州西南五十五里二鄉北拓昇平二鎮一礬塲

古跡 春秋時白翟之地漢書云渠搜為封都尉是也

橋山玉華寺玄奘法師於此翻經 軒轅黃帝廟

秦文公廟

上丹州咸寧郡軍事

治宜川縣

地里東京一千三百五十里東至本州界一百五里自
界首至隰州一百八十五里西至本州界一百五里自
界首至廊州七十五里南至本州界八十里自界首至
同州二百七十里北至本州界九十里自界首至延州
一百二十里東南至本州界一百三十五里自界首至
河中府三百一十五里西南至本州界七十里自界首
至坊州二百七十里東北至本州界一百一十五里自

界首至隰州三百一十五里西北至本州界九十里自
界首至延州一百二十里

戶主七千九百八十八客一千八百四十七

土貢麝五兩

縣一太平興國元年改乂川縣為宜川三年省咸寧縣
熙寧三年省汾川縣七年省雲岩縣為鎮八年析同州
韓城縣新豐鄉並入宜川

上宜川九鄉汾川雲岩二鎮有雲岩山黃河庫利川

古跡 孟門山在石澑下三里黃河中流相傳有山石枕東河流俗謂之石澑音騷

下環州軍事

唐虛州方渠鎮晉置威州周改環州後降通遠軍皇朝淳化五年復為環州

州治通遠縣

地里東京二千一百里東至宥州界三百五十五里西至本州界一百三十里自界首至原州七十里南至本州界一百二十五里北至韋州三百八十里東南至本州界六十五里自界首至慶州一百五十里西南至本

州界一百三十五里自界首至原州七十里東北至鹽州界三百七十五里西北至靈州四百六十五里

戶主四千一百九十九客二千三百八十四

土貢甘草一百斤

縣一天聖元年改通遠縣為方渠景祐元年復為通遠上通遠三鄉木波馬嶺石昌合道四鎮烏崙肅遠洪德永和平遠定邊團堡安寨八寨有鹽河馬嶺坡

古跡 古朔方鳴沙之地

長城

劉明達墓

同下州保安軍

太平興國二年以
延州永安鎮置軍

地里東京一千七百一十里東至本軍界五十里自界
首至延州一百八十里西至本軍界一百二十里自界
首至慶州二百里南至本軍界八十里自界首至延州
一百五十里北至宥州二百八里東南至本軍界五十
五里自界首至延州一百里西南至本軍界一百四十
里自界首至慶州一百八十里東北至本軍界宥州二
百二十里西北至宥州二百七十里

戶主九百一十九客一百二十二

土貢毛鼴五段綵蓉一十斤

寨二天禧四年置建子城天聖元年改德靖寨康定四年置保勝寨慶歷四年置順寧五年廢保勝

德靖軍西南八十里

順寧軍北四十里

堡一慶歷五年置

園林軍東北四十里

古跡 唐之左神策軍也

秦鳳路

府一州一十二
軍三縣三十八

次府鳳翔府扶風郡鳳翔節度

治大興府

地里東京一千五百八十里東至本府界一百一十三里自界首至京兆府一百七十里西至本府界三十里自界首至隴州一百一十四里南至本府界一百一十五里自界首至鳳州七十五里北至本府界一百一十里自界首至涇州九十里東南至本府界二百九十

五里自界首至洋州四百五里西南至本府界一百一
十里自界首至鳳州一百三十里東北至本府界一百
五十里自界首至渭州八十里西北至本府界二百四
十六里自界首至邠州六十七里

戶主一千二百七十一客四萬四千五百一十二

土貢蠟燭三百條榛實一石席一十領

縣十乾德元年以舊崇信軍地置崇信縣淳化中以崇
信縣隸儀州熙寧五年廢乾州以好畤縣隸府

次赤天興五鄉五里一鎮有社陽山吳岳雍水

次畿岐山府東四十里一十四鄉馬磧驛店二鎮有岐

山終南山渭水姜水汧水

次畿扶風府東八十里五鄉岐陽法喜二鎮有渭水津

水

次畿盩厔府東南二百里四鄉清平一鎮有終南山渭

水

次畿郿府東南一百里五鄉虢川斜谷青秋橫渠四鎮

鐵冶一務有太白山

次畿寶雞府西南六十五里四鄉武城車舍大散三鎮
有陳倉山渭水汧水

次畿虢府南三十五里三鄉陽平一鎮有楚山渭水磻
溪

次畿麟遊府東北一百一十里三鄉崔摸一鎮有黝土
山八馬坊

次畿普潤府東北十里四鄉有杜水漆水沮水

次畿好畤府東北一百三十五里一鄉有梁山武亭河
監一

司竹府東南二百二十里

古跡 郢城續漢志云棄封於邵徐廣曰今築鄉是也
又云郿之築亭 寶雞本秦之陳倉三秦記曰秦武公
都雍陳金城是也 西虢國虢叔所封是曰西虢 岐
山 杜陽山詩譜曰周原者岐山陽屬杜陽地形險阻
而原田肥美 太白山 陳倉山 古駱谷道 郢郿

董卓所築 汴水 磔溪即太公垂釣之所 上公明
星祠黃帝孫舜是育冢祠見漢書志云蒼頡廟 呂望
祠 三良冢

下府秦州天水郡雄武軍節度

治成紀縣

地里東京二千三十里東至本州界一百一十五里自
界首至隴州九十三里西至本州界一百五里自界首
至通遠軍一百五十五里南至本州界一百八十五里
自界首至鳳州二百一十里北至本州界一百五十九

里自界首至德順軍一百四十里東南至本州界一百五十里自界首至鳳州二百七十里西南至本州界一百九十五里自界首至成州七十里東北至本州界一百八十里自界首至隴州九十里西北至曹司堡二百二十六里

戶主四萬三千二百三十六客二萬三千八百六

土貢席二十領芎藭三十斤

縣福建三年以良恭大潭二鎮置大潭縣熙寧七年

以長道大潭二縣隸岷州

上成紀二鄉董城道口務夕陽二鎮有朱圉山卦山渭水瓦亭川

上天水州西七十里二鄉鐵冶父蒿米谷三鎮有龍馬泉

中隴城州東三十五里二鄉龍城安夷二鎮有大隴山瓦亭山渭水

中清水州東九十里二鄉白沙百家清水三鎮有小隴

山清水

監一開寶初於清水縣置銀冶太平興國二年升為監
隸州

太平州東六十里

城二建隆二年置伏羌寨熙寧元年置甘谷城三年以
伏羌寨為城

伏羌州西九十里領得勝榆林大像芳園探長新水
櫬林丙龍石人駝項舊水一十一堡

甘谷州西北一百八十五里領隴陽大甘吹藏隴諾尖
竿五堡

寨七建隆二年置定西開寶元年置三陽太平興國三年置弓門四年置靜戎天禧二年置安遠慶曆五年置隴城治平四年置雞川
川六堡

定西州西北四十五里領寧西牛鞍上砦下砦注鹿圓
三陽州北四十里領渭濱武安下蝸牛闐喜伏歸砦口

照川土門四顧平戎赤壁秋西青遠近湫一十四堡
弓門州東一百六十五里領東鞍安人斫鞍上下鐵窟
坐交得鐵七堡

靜戎州東北四十里領白榆林長山郭馬靜塞定平永
固邦蹉寧塞長焦九堡

安遠州西北一百二十五里

隴城州東一百二十里

雞川州北二百里

堡三間寶九年置床穰寨太平興國四年置冶坊寨慶
歷五年置達隆熙寧五年改冶坊八年改床穰並為堡
床穰州東八十里領白石古道中城東城定戎定安西
城雄邊臨川德威廣武定川抉河鎮邊一十四堡

治坊州東北一百二十里領子橋古道永安博望威塞李子

六堡

達隆州西北一百五十五里

古跡 天水秦州記云郡前有湖水冬夏無增減因號

天水平襄城本漢縣屬漢陽郡故襄戎之邑失園山

渭水

隴首山

古銜前縣清水本秦仲始封為附

庸之地

小隴山一名隴坻三秦記曰其坂九回上者

七日乃至

馬池源出嶓冢山關山圖云隴西南神馬山

有泉池龍馬所生

祈山關山圖云漢陽西南有祈山

古上邽縣本邽戎邑也

磻岷山

上涇州安定郡彰化軍節度

唐彰義軍節度皇朝太平興國元年改彰

化軍治
保安縣

地里東京一千七百里東至本州界六十五里自界首
至邠州一百一十里西至本州界三十里自界首至渭
州一百三十里南至本州界一百里自界首至鳳翔府
一百一十里北至本州界三十五里自界首至原州四
十里東南至本州界一百四十里自界首至鳳翔府一
百里西南至本州界九十里自界首至隴州一百五十
里東北至本州界四十里自界首至原州四十里西北
至本州界三十里自界首至原州五十里

戶主一萬八千二百一十八客七千七百七十二

土貢紫草羊羨一十段

縣三咸平四年升長武鎮為縣五年省為寨

望保定一十鄉長武一寨有泗山涇水汭水

上靈臺州東九十里五鄉百里一鎮有汭水細水

上良原州西南六十里五鄉有汭水

古跡 西王母宮 涇水周禮職方氏川曰涇汭皇甫

士安讀書臺靈星古密須國之地漢地里志云密人國

家康公墓 皇甫士安冢

上熙州臨洮郡鎮洮軍節度

唐臨州之地後陷吐蕃改武勝軍皇朝熙

寧五年收復置治狄道縣

地里東京二千五百二十五里東至本州界一百五里
自界首至通遠軍六十八里西至本州界六十里自界
首至河州一百里南至本州界九十里自界首至岷州
一百四里北至本州界六十里自界首至蘭州一百五
十六里東南至本州界一百五里自界首至通遠軍六

十八里西南至洮州三百六十里東北至馬銜山四十里西北至本州界六十里自界首至河州一百里

戶主一百九十九客一千一百五十七

土貢毛毬一十段麝三兩

縣一熙寧五年收復置縣九年省元豐二年復置

中下狄道有白石山洮水浩亹河

寨一熙寧六年置

康樂州西三十六里

堡八熙寧五年置慶平通谷渭源六年置南川當川七年置結河

通谷州東二十二里

慶平州東六十七里

渭源州東九十二里

結河州北二十里

南川州南三十里

當川州西四十五里

南關州南二十里

北關州北二十里

上隴州汧陽郡防禦

治汧源縣

地里東京一千七百五十里東至本州界一百里自界首至鳳翔府三十二里西至本州界九十三里自界首至秦州一百五十七里南至本州界一百六十里自界首至鳳州九十里北至本州界六十里自界首至涇州九十里東南至本州界一百一十里自界首至鳳翔府

四十五里西南至本州界一百八十五里自界首至鳳
州一百四十五里東北至本州界一百二十七里自界
首至鳳翔府三十三里西北至本州界五十五里自界
首至渭州一百一十里

戶主一萬五千七百二客九千九十三

土貢席二十領

縣四開寶元年析汧陽地置隴安縣熙寧八年廢隴西
寨為鎮

望汧源六鄉定戎新關龍西三鎮古道一銀場有龍山
汧水弦蒲藪

緊汧陽州東六十七里二鄉安化新興二鎮有汧水喻
麋澤

中吳山州南八十七里四鄉有吳岳山白環水

中龍安州南八十五里四鄉保寧一鎮有秦嶺山渭水

古跡 龍山 泾渭二水 郁夷縣水祠 弦蒲藪按

周禮職方氏雍州其藪曰弦蒲 秦城按非子養馬汧

渭之間有功周孝王封於秦即此城也

吳岳廣雅曰

吳西曰岳謂吳岳也頂有五峯禹貢云導汧及岐周禮職方氏雍州其山曰岳漢書地理志云吳岳在汧縣西古又謂之州山秦都咸陽以為西岳 段大尉墳

中下成州同谷郡團練

開寶六年升團練治同谷縣

地里東京二千五十五里東至本州界五十五里自界首至鳳州一百六十五里西至本州界一百五里自界首至岷州三百九十里南至本州界五十里自界首至

興州一百四十五里北至本州界七十里自界首至秦
州一百九十五里東南至本州界五十里自界首至興
州一百四十五里西南至本州界四十里自界首至階
州二百一十里東北至本州界一百里自界首至鳳州
二百五里西北至本州界一百里自界首至岷州三百
九十里

戶主一萬二千客二千六百五十九

土貢蠟燭一百條鹿茸一對

縣二

上同谷二鄉府城西安二鎮有仇池鳳皇山鳳皇潭下
辯水

中栗亭州東五十里二鄉泥陽一鎮有牛雷山栗亭川
古跡 古西戎地戰國時姜戎居之後為白馬氏國
大人跡唐天后時成州言大人跡見仇池山 軒轅廟
見地里志

下鳳州河池郡團練

偽蜀為五軍節度後唐降防
禦皇朝建隆四年領團練治

梁泉

縣

地里東京一千八百六十二里東至本州界二百五十里自界首至鳳翔府一百四十五里西至本州界二百里自界首至成州七十里南至本州界一百五十八里自界首至興元府一百五十五里北至本州界一百八十里自界首至隴州一百九十里東南至本州界二百八十四里自界首至洋州四百七十里西南至本州界二百一十里自界首至興州一百七十里西南至本州

界一百里自界首至鳳翔府一百一十里西北至本州
界一百七十里自界首至秦州八十里

戶主三萬二百九十四客一萬七千九百

土貢蜜蠟各三十斤蠟燭一百對

縣三建隆三年於兩當縣置銀冶開寶五年升為監治
平元年罷置官以監隸兩當縣

上梁泉三鄉黃花保安方石東河橋白澗鹵土武林七
鎮有龍安山

緊河池州西一百五十五里二鄉河池高橋固三鎮水
銀一務有固道水河池戍

上兩當州西八十五里二鄉開寶一監兩當廣鄉二鎮
古跡 大散關地勢隘險西南有嘉陵谷即嘉陵江所
出 石堠子一名奴乳臺者老曰傳云此堠東至東京
西抵益州計其地里得中焉 張果祠堂圖經云昔張
果先生夏居豆積冬居鸞鷺山

下岷州和政郡團練

唐岷州後廢皇朝
熙寧六年復置

地里東京二千六百四十里東至本州界三百六十里
自界首至秦州九十里西至洮州一百九十一里南至
本州界一百八十里自界首至階州一百六十里北至
本州界一百三十里自界首至熙州九十里東南至本
州界三百九十里自界首至成州一百里西南至疊州
二百八十里東北至本州界一百二十五里自界首至
通遠軍八十五里西北至本州界一百二十里自界首
至河州一百四十三里

戶主二萬九千九百六十客七千七百六十二

土貢甘草一十斤

縣二熙寧六年以秦州大潭長道二縣隸州

中大潭州東南三百里一鄉良恭滔山二鎮有朱圉山

清水

中長道州東三百三十里二鄉長道故城白石鹽官骨

谷崖石平泉馬務八鎮

寨五熙寧二年置臨江寨隸秦州熙寧六年隸州仍置

荔川七年置床川閭州宕昌

臨江州南一百四十里

荔川州東八十里

床川州東二十里

閭川州東一百二十里

宕昌州南一百二十里

堡三熙寧七年置遮羊穀藏十年置鐵城

遮羊州東一百里

穀藏州西四十里

鐵城州東八十里

監一熙寧九年置鑄鐵錢

滔山州西一百五十步

古跡 岷山無樹木其西有天女堆天女祠在其上

崆峒山 秦築長城起於州界

下府渭州隴西郡軍事

治平
涼縣

地里東京一千八百里東至本州界九十里自界首至

涇州三十里西至本州界九十七里自界首至鎮戎軍
四十八里南至本州界一百二十三里自界首至隴州
二十二里北至本州界四十三里自界首至原州一百
八里東南至本州界一百一十里自界首至涇州五十
里西南至本州界一百五里自界首至德順軍一十六
里東北至本州界六十里自界首至原州五十里西北
至本州界五十里自界首至原州一百十九里
戶主二萬六千六百四十客一萬九百九十六

土貢絹一十疋 蔴蓉五十六斤

縣五熙寧五年廢儀州以安化崇信華亭三縣隸州

中平涼四鄉安國耀武二鎮瓦亭一寨有笄頭山涇水
中潘原州東三十六里二鄉有烏鼠山銅城山涇水閻
川水

中安化州西南七十里三鄉安化白岩河二鎮有龍山
中崇信州東南八十五里四鄉西赤城一鎮有閻川水
中下華亭州南七十里四鄉黃石冶河一鎮一銅場鐵

冶一茶塲一鹽塲有小隴山

古跡 隴坻郡居隴坻之西平涼縣史記所謂城鄖邑也 古六盤關 彈箏砦即都盧砦也水經云都盧山砦之内常有彈箏之聲又云絃詞之山砦口水流風吹作響有似音韻也 古月氏戎

望原州平涼郡軍事

治臨涇縣

地里東京一千七百九十里東至本州界一百五里自界首至寧州四十里西至本州界九十五里自界首至

鎮戎軍六十三里南至本州界七十里自界首至渭州六十里北至本州界七十里自界首至本州一百五十里東南至本州界四十五里自界首至涇州三十五里西南至本州界九十五里自界首至德順軍一百三十里東北至本州界八十里自界首至慶州五十五里西北至缺壕界一百六十里

戶主一萬一千八百四十客五千五百六十一

土貢甘草三十斤

縣二至道三年以寧州彭陽縣隸州

中臨涇四鄉有陽晉水朝那水

中彭陽州東六十里三鄉蕭一鎮有大胡河蒲川河
鎮二乾興元年以慶州柳泉新城二鎮並隸州熙寧三
年廢截原寨入新城

柳泉州西北七十里領耳城一堡

新城州西五十里

寨五

平安州西八十里

綏寧州西北一百三十里領羌城南山願倒三堡

靖安西北一百六十里

西壕州北四十里
開邊州西二十里

古跡 朝那湫廟按史記朝那湫泉即華石川也蘇林曰湫方四十里冬夏不增減不生草木能興雲雨水旱禱之有應漢志云朝那有端甸祠十五所胡巫祀又有

秋澗祀

中下階州武都郡軍事

治津縣福

地里東京二千五百二十里東至本州界二百里自界首至興州一百三十里西至宣州二百四十里南至本州界一百五十里自界首至文州九十里北至本州界二百六十里自界首至威州四十里東南至本州界三百五十里自界首至利州四百里西南至本州界三百五十里自界首至文州一百里東北至本州界二百七

十里自界首至成州三十里西北至本州界一百七十里自界首至岷州一百八十里

戶主二萬三千九百三十六客一萬七千七百二十五

土貢羚羊角一十對蠟燭五十對

縣二

中下福津三鄉安化利亭石門角弓河口故城六鎮降
貼硃武平沙灘三寨有盤鞭山白江水福津水

中下將利州東二百一十五里四鄉蘭臯平落新安東

故城四鎮有沮水紫水

古跡 古台馬氏之國西戎之別種也 此川本武川

唐景福初改今名 楊難當墓

石雞神廟

上河州安鄉郡軍事

唐河州後廢皇朝熙寧六年收復仍舊置

地里東京二千三百二里東至本州界九十里自界首至熙州五十里西至本州界塘城四百八十里南至洮州一百九十五里北至黃河四十里東南至本州界九十里自界首至岷州二百一十五里西南至一公城一

百六十里東北至吹龍城一百一十里西北至黃河四十里

戶主二百九十五客二百九十六

土貢廩五兩

城一熙寧七年置

定羌州東七十里

寨二熙寧六年以唐枹罕縣地置枹罕縣七年置南川

寧河二寨九年省枹罕

南川州南四十里

寧河州東南四十五里

堡二熙寧七年置東谷八年置潤精

東谷州東南一十五里

潤精州西南一十五里

關一熙寧七年置

通會州東南七十里

古跡 古羌侯邑黃金城郡地

下蘭州金城郡軍事

唐蘭州後廢皇朝元豐四年收復仍舊置

地里東京二千七百二里東至屈令支山五十里西至本州界一百四十里自界首至河州一百三十里南至皋蘭山四里北至黃河一里東南至本州界一百五十二里自界首至通遠軍一百四十五里西南至本州界一百七十五里自界首至熙州三十五里東北至黃河三里西北至黃河三里

戶主四百一十五客二百二十四

土貢甘草三十斤

寨一元豐四年置

龕谷州東九十四里

堡四元豐四年置東關臯蘭五年廢勝如質孤六年置

阿干西關

東關州東一十八里

臯蘭州西南九十五里有臯蘭山蘭泉

阿干州西南四十里有阿干水

西關州西二十里

古跡 霸蘭山州取以為名漢將霍去病伐匈奴師所出也以所執鞭卓地而泉湧出

同下州鎮戎軍

至道元年以原州故平高縣置軍

地里東京二千四百里東至本軍界八十五里自界首至原州九十五里西至全州三百三十五里南至本軍界三十里自界首至秦州四百三十里北至靈州五百三十五里東南至本軍界五十里自界首至渭州九十

里西南至本軍界五十里自界首至德順軍四十里東北至本軍界八十里自界首至慶州三百四十里西北至靈州四百二十五里

戶主一千四百三十四客二千六百九十六

土貢白鹽二十領

城一咸平元年置

彭陽軍東八十五里

寨七咸平三年置東山乾興元年置乾興天聖元年置

天聖八年置三川慶歷二年置高平定川熙寧元年置
熙寧

東山軍東四十五里

乾興軍東北九十里

天聖軍東北六十里

三川軍西三十五里

高平軍北二十五里

定川軍西北二十五里

熙寧軍北三十五里

堡二咸平元年置開遠熙寧四年廢安邊堡入開遠五年置張義

開遠軍東南二十里

張義軍西南五十里

古跡 蕭關古城文帝十四年匈奴入蕭關即此地也都盧山 筍頭山一名雞頭山一名崆峒按漢書地里志筍頭山在涇陽西禹貢涇水所出 朝那湫廟

按今軍地即古高平郡也

同下州德順軍

慶歷三年以渭州龍竿城置軍

地里東京一千九百六十里東至本軍界二十里自界首至渭州九十里西至本軍界一百三十里自界首至通遠軍一百九十里南至本軍界二十里自界首至隴州一百七十里北至本軍界三十里自界首至鎮戎軍六十里東南至本軍界二十里自界首至渭州八十里西南至本軍界一百二十里自界首至秦州一百四十

里東北至本軍界二十里自界首至原州一百九十里
西北至開遠堡一百六十里

戶主七千五百八十九客九千一百五十二

土貢甘草五十斤

城一慶厯四年置

水洛軍西南一百里領王家一城石門一堡

寨五天禧元年置羊牧城二年置靜邊天聖六年置
得勝慶厯三年改羊牧城為隆德寨八年置通邊治平

四年置治平

靜邊軍西南五十五里

治平軍西一百四十里領牧龍一堡

得勝軍西北八十里領開遠一堡

隆德軍西六十里

通邊軍西南五十五里

堡一慶歷三年置

中安軍西三十五里

同下州通遠軍

皇祐四年以渭州地置
古渭寨熙寧五年建軍

地里東京二千五百四十里東至本軍界六十里自界首至秦州二百四十五里西至本軍界六十里自界首至岷州一百六十里南至本軍界一百二十里自界首至秦州一百二十里北至生戶地四十一里東南至本軍界一百二十里自界首至岷州四百二十二里西南至本軍界五十里自界首至岷州一百六十里東北至生戶地四十一里西北至本軍界四十里自界首至熙

州二百三十二里

戶主一千三百九十客三千三百三十七

土貢麝五兩

鎮一大中祥符七年置威遠寨熙寧八年改為鎮

威遠軍東南一百里

城一元豐四年置

定西軍北一百二十里

寨六建隆二年置永寧天禧元年置來遠二年置淳遠

熙寧元年置通渭熟羊六年置鹽州元豐六年以蘭州
通西寨隸寧遠七年廢來遠寨

永寧軍南一百二十里

寧遠軍東南七十七里領廣吳燈兒二堡

通渭軍東七十里領七麻一鎮

熟羊軍北四十里

益川軍西五十里

通西軍北八十里

堡一熙寧四年置

三岔軍北三十五里



元豐九域志卷三